

百病辨證錄
卷壹
共八本

孫氏

山陰陳敬之先生著

百病辨證錄

趙蘭石題

此者風投暖
人之形氣
如殺人于
有不可數計

民國十三年孟夏
友華書局印行

辨證錄序

九流莫難于醫亦莫慎于醫蓋人之性命所攸關也是必奉其傳于名師窮其理于素習小其心于臨時一遇其人之病先審其人之氣質按其人之性情據其人之居處服習循經辨絡以得其病之原與夫病之所在然後隨節氣就方與切脉對症而投之以藥無不有隨手而效焉者也顧自張仲景以後名醫代出其所著述幾于汗牛充棟後以學者于茫茫大海中非理首讀書潛心味道得名師之指授而能知之疎者蓋寡余少留心于方書稍稍知本草每有疾而不輕服藥惟恐庸醫之誤也茲奉

聖天子命撫粵東粵東山海陬區也在天文星躔鶉火其氣多燥而又近于大海羣山疊抱其間谿澗泉竇莫非潮濕也以天燥地濕之鄉而人之生于其中者苟不自謹立即致病其氣之壯者感之輕而發之速固可不藥而愈然病甚者必延醫詎知粵東之醫其能記誦頭耳執脉訣者十無一二甚而不解內經為何文條辯為何意略知藥性拘守陳方究之胸中不通指下不明定以投之劑而多死今夫病之寒熱有表裏之分焉有疑似之別焉有淺深主客之攸殊焉其于似熱症者輒投涼劑豈知凡感于寒則為病熱寒鬱則熱盛須溫以解者而涼劑直利及妄于似寒症者輒投煖劑豈知食重內蒸熱極反寒六脉全伏須下以解者而煖劑尤利及妄更可駭者不論人之形氣與天行之節候致病之根源而擅用桂附人參以為能用貴藥者為通方為老手而不加殺于人于指而卒不自認其罪者莫若此等庸醫之甚也余撫粵未及三載而聞醫之殺人者不可數計

殊憫粵人之甘心送命于庸醫而不自知也。比山陰余子變庵來粵，攜函秘藏辨證錄一書，余假觀，真有仲景諸公所未及者。而辨證折衷補救，誠為仁人濟世壽物之至寶。即為捐俸梓印，本普行願。吾粵之醫家孰讀精思，悟其今之所是，故不憚瑣瑣以為之序。

大清雍正三年歲次乙巳中幹

欽命巡 廣東等處地方提督軍務兼理糧餉都察院右副都御史廣寧年希堯撰

凡例

一是編皆

岐伯天師 仲景張使君所口授錄 敘述廣推以傳世實遵 師誨非敢自矜出奇

一辨證不辨脉者以證之易識也苟能知症何必辨脉哉雖然辨證更能辨脉則治病益精又在人善用之耳

一辨論證候均出新裁闡揚靈素所未備于二經不無小補云

一編中不講經絡穴道以經絡穴道之義已顯載于靈素二經人可讀經自考也

一各門辨證專講五行生剋之理生中有剋剋中有生經權常變顛倒紛紜貴人善讀人耳

一輯壯遊五岳母違異人傳刀圭之書頗富凡可引證附載于各辨證條後以備同人採擇

一祖父素好方術遺有家傳秘本凡關合各症者盡行採入以成異書

一吾越多隱君子頗喜談醫如蔣子羽姚復庵倪涵初金子如蔡煥然朱瑞林諸先生暨內父張公靈仍與同輩余子道元葉子正叔林子巨源錢子升璵丁子威如家太士或聞其餘論或授其片言均採入靡遺

一茲編不講針灸非輕之也蓋九鍼治病之法已暢論于靈素書中不必再為發明耳

一人病最多集中所論恐不足概世人之病然生剋之理既明常變之法可悟此編旁通治法正有餘也

一二師所傳諸方與鄙人所採諸法分兩有太多過重之處雖因病立方各合機宜然而氣稟有厚薄之分生產有南北之異宜臨證加減不可拘定方中疑畏而不敢用也

一鐸年過六旬精神衰邁二師傳鐸之言愧難強記恐致遺忘辨論之處或多未備尤望同人指教鐸也

一是編方法親試者十之五友朋親串傳誦者十之三罔不立取奇驗故敢付梓告世然猶恐難有多寡輕重方有大小奇偶又將生平異傳諸方備載于後便世臨病酌用也

一岐天師傳書甚富而外經一編尤奇篇中祕奧皆採之外經精鑑居多非無本之學也鐸晚年尚欲箋釋外經以求正于大雅君子也

一鐸勤著述近年以來廣搜醫籍集成一編決壽夭之奇聞生剋之秘有益乎人命不淺張卷快浩餘鐸家貧不免災梨倘有同心好善之士肯捐貲剞劂傾囊付之不吝情也

大雅堂主人遠公識

增補百病辨證錄總目

卷之一

傷寒門 四十三則

中寒門 七則

卷之二

中風門 二十五則

痺證門 十一則

脇痛門 五則

頭痛門 六則

腰痛門 六則

腹痛門 六則

卷之三

咽喉門 七則

牙齒門 七則

鼻淵門 三則

目痛門 十二則

口舌門 二則

血症門 二十一則

遍身骨痛門 四則

卷之四

五營門 六則

咳嗽門 八則

喘門 四則

怔忡門 三則

驚悸門 二則

虛煩門 二則

不寐門 五則

健忘門 四則

癩癧門 六則

狂病門 六則

呆病門 三則

呃逆門 五則

卷之五

關格門 五則

中滿門 四則

翻胃門 五則

臌脹門 七則

厥症門 七則

春溫門 三十三則

卷之六

火熱症門 十六則

暑症門 十一則

燥症門 十五則

痿症門 八則

卷之七

消渴門 五則

瘧症門 十一則

汗症門 五則

五痺門 十則

大瀉門 九則

痢疾門 十三則

癰疽門 八則

卷之八

瘧疾門 十則

虛損門 十二則

癆瘵門 十七則

夢遺門 七則

陰陽脫門 五則

淋證門 七則

卷之九

大便閉結門 九則

小便不通門 六則

內傷門 二十三則

疝氣門 附奔豚八則

陰痿門 五則

痰症門 二十一則

卷之十

鶴膝門 二則

癘風門 二則

遺尿門 三則

脫肛門 二則

強陽不倒門 二則

發斑門 三則

火丹門 二則

離魂門 三則

瘰癧門 二則

腳氣門 一則

中邪門 六則

中妖門 六則

中毒門 十二則

腸鳴門 三則

自笑門 附自笑 三則

惱怒門 二則

瘡啞門 三則

瘟疫門 一則

種嗣門 九則

婦人科

卷之十一

帶門 五則

血枯門 二則

血崩門 七則

調經門 十四則

受娠門 十則

姙娠惡阻門 二則

卷之十二

安胎門 十則

小產門 五則

鬼胎門 一則

難產門 六則

血暈門 三則

胞衣不下門 二則

產後諸病門 十一則

下乳門 二則

卷之十三 外科

背癰門 七則

肺癰門 四則

肝癰門 二則

大腸癰門 三則

小腸癰門 三則

無名腫毒門 二則

對口疽門 一則

腦疽門 一則

囊癰門 二則

臂癰門 一則

乳癰門 四則

疔瘡門 一則

多骨癰門 一則

惡疽門 一則

拳疽門 一則

楊梅瘡門 五則

腰疽門 一則

唇疔門 一則

脚疽門 二則

鬚疽門 一則

頑瘡門 二則

凍瘡門 二則

痔漏門 四則

物傷門 三則

接骨門 二則

金瘡門 一則

肚癰門 一則

癰門 一則

刑杖門 一則

卷之十四 幼科

驚風吐瀉門 七則

便毒門 一則

痘瘡門 十五則

疹症門 三則

喫泥門 一則

胎毒門 一則

增補百病辨證錄卷之一

山陰陳士鐸敬之甫號隱之文號朱華子者主

會稽陶式玉尚白甫號丹齋又號

赤江

傷寒門

一久月傷寒發熱頭痛汗出口渴人以為太陽之症也誰知太陽已趨入陽明乎若徒用乾葛湯以治陽明則頭痛之症不能除若徒用麻黃湯以治太陽則汗出不能止口渴不能解勢必變症多端輕變為重法宜正治陽明而兼治太陽也何則邪入陽明留于太陽者不過零星之餘邪治太陽反傷太陽矣故太陽不必宜正治陽明蓋陽明為多氣多血之府邪入其中正足大恣其凶治橫而挾其腑之氣血為炎氣烈熾者往往然也故必須用大劑涼藥始奇法除其橫暴也方用石膏一兩知母二錢麥冬二兩竹葉二百片茯苓三錢甘草一錢人參三錢柴胡一錢梔子一錢水煎服一劑而頭痛除二劑而身熱退汗止而口亦不渴矣此即白虎湯變方用石膏知母以瀉其陽明之大邪用柴胡梔子以斷其少陽之路徑用麥冬以清補其肺金之氣使大邪不能上逼用茯苓引大下趨于膀胱從小便而出而太陽餘邪盡隨之而外泄也至于人參甘草竹葉不過取其調和臟腑所謂攻補兼施也

或懼前方太重則清肅湯亦

可用也并載之以備選用

石膏五錢知母一錢麥冬一兩甘草人參柴胡梔子各一錢獨活半夏各五分水煎服

傷寒症
最難治
而最易
治也蓋
邪有來
路有去
路有大
路有旁
路由太
陽二來
是來路
也從陽
明而去
是去路
也斷少
陽是阻
其大略
也塞太

陰肺經
是斷其
旁路也
知此法
而通之
以治各
經何傷
寒之不
愈耶

辨二經
同感不
是傳經
最有把
握

厥陰太
陰最難
辨今辨
論甚清
講用藥
處妙論

一冬月傷寒發熱口苦頭痛飢不欲飲食腹中時痛人以為太陽之症也誰知少陽之病乎夫傷寒
未有不從太陽出者由太陽而入陽明由陽明而入少陽者傳經之次第也荷以邪入太陽即越
陽明而入于少陽耶人以為隔經之傳也而孰知不然蓋少陽乃胆經也胆屬木木最惡金肺屬
金而主皮毛風邪之來肺金先受肺斯胆木之虛即移其邪于少陽故太陽之症往往多兼少陽
同病者然則此症乃二經同感而非傳經之症也治法似亦宜二經同治矣而又不然單治少陽
而太陽之病自愈方用柴胡二錢白芍五錢甘草一錢陳皮一錢黃芩一錢神麴一錢白朮三錢
茯苓三錢水煎服一劑而熱止二劑而腹不痛頭不疼而口亦不苦矣此方即逍遙散之變方也
蓋病在半表半裏之間逍遙散既解散表裏之邪而太陽膀胱之邪何能獨留況方中原有茯
苓白朮以利腰膝而通膀胱之氣乎余所以止加神麴黃芩少解其胃中之火以和其脾氣而
諸症盡除也

此病用舒經

薄荷二錢白芍五錢甘草八分黃芩二分
白朮二錢茯苓五錢桂枝三分水煎服

一冬月傷寒發熱口渴譫語時而發厥人以為熱深而厥亦深也疑是厥陰之症誰知為太陰之症
乎夫太陰脾土也脾與陽明胃經為表裏表熱而裏亦熱此乃胃邪移入于脾經也此症最危最
急蓋人以脾胃為主脾胃盡為大邪所燦而腎水有不立時熬乾者乎治法宜急救脾胃然矣
而救脾則胃大愈熾救胃則脾土立萌此中之消息最難惟當速腎水之乾枯而已方用玄參三

兩甘菊花一兩熟地一兩麥冬二兩芡實五錢水煎服此方名為救枯丹用玄參以散其脾胃浮遊之火甘菊以消其胃中之邪麥冬以滋其肺中之液助熟地以生腎水庶幾滂沱大雨自天而降而大地焦枯立時優渥何旱魃之作祟乎又恐過于汪洋加入芡實以健其土氣而仍是腎經之藥則脾腎相宜但得其灌溉之功而絕無侵凌之患故一劑而謔語定再劑而口渴除三劑而厥亦止身亦涼也此症世人未知治法即仲景張使君未嘗談及天師因士驛之請特傳神奇治法以為傷寒門中之活命丹也

此症用清土

散亦妙

石膏一兩麥冬一兩生地一兩甘草一錢金銀花五錢白朮三錢水煎服

一冬月傷寒大汗而熱未解腹又痛不可按人以為邪發于外未盡而內結于腹中乃陽症變陰之症也余以為不然夫傷寒而至汗大出是邪隨汗解宜無邪在其中何至腹痛此乃陽氣盡亡陰亦盡泄腹中無陰以相養有似于邪之內結而作痛蓋陰陽兩亡之急症也夫痛以可按為虛不可按為實何以此症不可按而又以為虛乎不知陰陽兩亡腹中正在將絕之候不按之已有疼痛難忍之時况又按而傷其脾胃安得不重增其苦所以痛不可按也如遇此症急不可緩方用急救陰陽湯用人參二兩黃芪三兩當歸一兩熟地二兩甘草三錢白朮二兩水煎服一劑而腹痛頓止身熱亦解汗亦盡止矣此方用參芪以補氣使陽回于陰之內用當歸熟地以補血使陰攝于陽之中用白朮甘草和胃而通腰膝使陰陽兩歸于氣海關元則亡者不亡而絕者

世人但知亡陽而不知亡陰是亡陰此等議論非仙人指授安得發

下古之
未發

陰不能
濟以致
亡陽亦
發前人
所未發

面如珠
紅亦有
時而白
者唇焦
口瘡舌
有胎但

不絕也倘認是陽症變陰純用溫熱之劑加入肉桂乾薑附子之類雖亦能回陽于頃刻然內無陰氣陽回而陰不能攝亦旋得而旋失矣

此症救用亡散亦易奏效
人參當歸熟地各一兩甘草二錢附子一片水煎服

一冬月傷寒大汗熱解腹微痛腰不可俯仰人以為邪在腎經未出欲用稀薤丸加防已治之非其治也此乃發汗亡陽陽虛而陰不能濟之故也夫陰陽相根此症因汗泄過多陽氣無幾而陰又自顧不遑不敢引陽入室而陽無所歸故行于腹孤陽無主而作痛腎中之陰又因陽氣不歸而孤陰無伴不敢上行于河車之路故腰不可以俯仰方用引陽湯治之桂仲一錢山藥五錢甘草一錢茯苓二錢艾實三錢人參三錢肉桂三分白朮五錢水煎服一劑而腹疼止二劑而腰輕三劑而俯仰自適矣此方助陽氣之旺而不去助陰氣之微蓋陰之所以杜陽者欺陽氣之衰也予所以助陽而不助陰也倘用稀薤防已以重損其陰陽則終身不為廢人者幾希矣

此在濟陽湯
亦可

杜仲二錢山藥一兩甘草一錢人參
五錢白朮五錢破故紙一錢水煎服

一冬月傷寒大汗氣喘不能息面如珠紅口不能言呼水自救却僅能一口而不欲多飲人以為熱極欲用白虎湯以解其陽明之火也而不知此為戴陽之症乃上熱而下寒也若用白虎湯雖多加人參下喉即亡矣方用八味地黃湯半斤大鍋煎湯恣其渴飲必熟睡半日醒來汗必止氣必不喘面必清白口必不渴矣蓋此症原不宜汗之以致大發其汗汗既大出而陽邪盡洩陽氣而

不與之水則不欲飲或一口而止兩足冰冷此症亦易辨也今人不知辨則誤人性命矣此症初起原屬內傷乃庸醫竟作外感治之則成戴陽而見其面有紅色又

盡散陰亦隨之上升欲盡從咽喉而外越以皮毛出汗而陰氣奔騰不得盡隨汗泄故直趨咽喉大路不可止抑矣陰氣上升陽入外洩不能引陰而回于氣海陽亦隨陰而上而陰氣遂逼之而不可下故氣喘不能息也且陽既在大火亦在上者勢也況陰盡上升則腎宮寒極下既無火而上火不得歸源故泛炎于面而作紅硃之色也上火不散口自作渴呼水自救者救咽喉之熱而非欲救腸胃之熱也夫實熱多成于胃火而胃熱之病必多號咷狂呼之狀今氣雖喘息而寧口欲言語而不得非虛熱而何此真所謂上假熱而下真寒也八味地黃湯補水之中仍是補火之藥下喉之時火得水而解入胃之後水得火而寧調和于上下之間灌注于肺腎之際實有妙用也夫發汗亡陽本是傷氣也何以治腎而能奏功耶不知亡陽之症內無津液以致內火沸騰我大補其真陰則胃得之而息其熾胃火一息而腎之關門閉矣腎之關門閉而胃之土氣自生胃之土氣生而肺金之氣有不因之而得養者乎肺氣一生自然清肅之令行母呼子歸同氣相招勢必下引腎氣而自歸于子舍矣腎氣既歸而腎宮之中又有溫和春色以相重又得汪洋春水以相育則大得水而生水得火而悅故能奏功之神且速也

通火湯治此症亦神
熟地三兩山茱萸一兩肉桂三錢水煎服

一冬傷寒發厥面青手足冷兩足又熱人以為真中陰寒也宜用理中湯治之而不治非其治也此之乃肝氣邪鬱而不散風邪在平表裏之間也若用理中湯治之必然發狂而死矣夫真中陰寒之症未有不從足而先冷者也今兩足既熱其非真中肝經明矣夫邪既不在肝經似乎不可輕

作熱治則無有不死者也
讀此快論益信胃為腎之關非腎為胃之關也

足熱不足是陰症
真見到之言

汗之症作內傷治非胆識兩到者斷不妄言

治肝經矣然而邪雖不在肝經之內而未嘗不在肝經之外也邪在腑外與主人何豫而忽現於厥面青手冷之症耶不知震鄰之恐猶有警惕之心豈賊在大門之外而主人有不張惶色變者乎倘用理中湯是用火攻以殺賊賊未擒燒而房舍先焚賊且乘火而竄入于中庭必至殺主人而去矣治法用小柴胡湯加減以散其半表半裏之邪而肝氣自安外邪化為烏有方用柴胡二錢白芍五錢甘草一錢當歸一錢五分黃芩一錢半夏一錢水煎服一劑而手溫再劑而厥止身熱盡除而面青自白矣

此症用七賢湯亦甚效

白芍白朮各五錢甘草一錢肉桂三分柴胡一錢丹皮二錢天花粉二錢水煎服一劑即安

一冬月傷寒身熱汗自出惡寒而不惡熱人以為陽明之症也欲用石膏湯治之而不知非也汗出似陽明然陽明未有不惡熱者今不惡熱而惡寒此陽氣甚虛邪欲出而不出內熱已解而內寒未散之症也此症必因誤汗所致方用補中益氣湯人參三錢黃芪三錢白朮二錢當歸二錢柴胡一錢升麻四分陳皮一錢甘草一錢加桂枝五分水煎服一劑而汗止身涼寒亦不惡矣夫補中益氣之湯非治傷寒之症也李東垣用之以治內傷之病實有神功我何所取乎不知傷寒之中亦有內傷之病正不可拘拘于傷寒而不思治變之方也況此症因誤汗而成者汗已出矣邪之存于經絡者必淺即有畏寒其寒邪亦必不重是外感而兼內傷也補中益氣湯補正之中而仍有祛邪之藥故兼用之而成功也況又加桂枝散寒之味乎倘誤認作陽明之症而妄用白虎